

廣雅疏證卷第五下

高郵王念孫學

釋言

霽令也

皆謂善也。齊侯罍鐘銘，霽命難老，卽令命也。微絲鼎銘，永令緡霽升，緡卽令終也。戾敦銘，霽升霽令，卽令終令命也。盤庚弔由靈，傳云靈善也，正義以爲爾雅釋詁文，今爾雅作令，酈風定之方中篇，靈雨旣零，鄭箋云靈善也，石鼓文作霽，雨霽靈令，聲義竝同。互見卷一，靈善也。下令，各本譌作今，今訂正。

免隕也

未詳

科藪也

說見卷三
科本也下

毀虧也

誓制也

爾雅誓謹也郭璞注云所以約勅謹戒衆說文誓約束也釋名誓制也以拘制之也各本譌作制誓也今訂正

謂指也

指而言之曰謂隱元年公羊傳云王者孰謂謂文王也

節已也

已猶止也

居據也

釋名云據居也晉語今不據其安韋昭注亦云

據杖也

說文據杖持也邶風柏舟篇云不可以據

如均也

堯典云如五器

子已似也

未詳

注

此與下文義不相屬當有脫文不可考矣

理媒也

黃雅流登

卷第五下

楚辭離騷云吾令蹇脩以爲理又云理弱而媒拙兮

滔漫也

說文滔水漫漫大兒後典云浩浩滔天大雅蕩篇天降滔德毛傳云滔慢也水漫曰滔人慢曰滔其義一也故釋名云漫漫也漫漫心無所限忌也

吳跌也

吳之言傾側跌之言差跌也說文吳曰西也又云厖曰在西方時側也引離九三日厖之離今本作吳王嗣宗本作厖士喪禮下篇作側穀梁春秋經作稷竝字異而義同周官司市注云日厖昞中也史記天官書會至日昞爲稷漢書天文志作跌

妬嬌也

今俗語猶謂爭色曰妬音若酒酢之酢

嫖嫖也

說見卷一嫖嫖妬也下嫖與嫖同

秩程也

秩通作秩又作𣎵秩與程古聲義並同說文程品也又云𣎵爵之次弟也引堯典平𣎵東作今本作平秩史記五帝紀作便程說文𣎵從呈聲𣎵從戔聲讀若詩載載大猷今本作秩秩

脂脂也

說見釋器

輸寫也

小雅蓼蕭篇我心寫兮毛傳云輸寫其心也枚乘七發云輸寫洪濁引之云周語陽氣俱烝土膏其動弗震弗渝脈其滿膏渝當讀爲輸謂輸寫其氣使達於外也左氏春秋隱六年鄭人來渝平公羊穀梁作輸

黃雅流登

卷第五下

三

平是渝輸古字通此言富士脈盛發之時不即震動之輸寫之則其氣鬱而不出必滿塞而為災也韋注訓渝為變於上下文義稍遠矣

縣抗也

說見卷四
抗縣也下

朔蘇也

蘇與蘇通說文朔月一日始蘇也白虎通義云月言朔何朔之言蘇也明消更生故言朔也論語為政篇皇侃疏引書大傳云夫正朔有三本天有三統明王者受命各統一正也朔者蘇也革也言萬物革更於是故統焉爾雅朔北方也堯典正義引李巡注云萬物盡於北方蘇而復生故言朔也是凡言朔者皆復蘇之義也

遁迭也

道遠與
鎔交通

汜普也

汜各本譌作
汜今訂正

資操也

資與齎通說見卷
三操齎持也下

緊糾也

說見卷一緊
糾急也下

款叩也

呂氏春秋愛士篇夜款門而謁
高誘注云款叩也款與款同

仰和也

徇營也

衆經音義卷十七引倉頡篇云徇求也莊子駢拇篇
小人則以身殉利司馬彪注云徇營也殉與徇通說
文箋營求也箋與徇古聲義亦同邶風擊
鼓篇于嗟洵兮韓詩洵作箋是其類矣

民氓也

供養也

序射也

說見卷一
庠養也下

侯侯也

春秋繫露溪察名號篇云號爲諸侯者立謹視所侯
奉之天子也王制正義引春秋元命包云侯者侯也
侯王順逆也又周官小祝掌小祭祀將事侯禳禱祠
之祝號鄭注云侯之言侯也侯嘉慶祈福祥之屬

位莅也

莅或作泣，僖三年穀梁傳云：「莅者位也。」古者位莅立三字同聲而通用。周官鄉師執斧以泣，匠師鄭注云：「故書泣作立。」鄭司農云：「立讀爲泣。」小宗伯掌建國之神位，注云：「故書位作立。」鄭司農云：「立讀爲位。」古者立位同字。古文春秋經公卽位爲公卽立，肆師用牲于社宗則爲位，注云：「故書位爲泣。」杜子春云：「泣當爲位。」各本莅下脫去也。字遂與下條相連，孝經正義引廣雅位莅也，今據以補正。

祿也

祿下蓋脫錄字。位莅祿錄皆取同聲之字爲訓。周南樛木正義引孝經援神契云：「祿者錄也。」上所以敬錄接下，下所以謹錄事上，白虎通義同。

要約也

逋竄也

劓劓也

說見卷一劓劓斷也下劓與刖同

御侍也

檜距也

說文檜，哀柱也。又云，堂，距也。堂，與檜距同。考工記弓人：維角堂之。鄭眾注云：堂，讀如堂距之堂。車堂之堂，司馬相如長門賦云：離樓梧而相檜。漢書匈奴傳云：陳遵與單于相堂距。竝字異而義同。檜，各本譌作控。自宋時本已然。故集韻類篇竝引廣雅控距也。考說文玉篇廣韻俱無控字，今訂正。

礙闕也

礙與闕同聲而通用。說文礙，止也。小爾雅闕，限也。列子黃帝篇云：雲霧不礙其視。又云：物無得傷闕者。力命篇云：孰能礙之。太元難次六云：上礙于山，下觸于川。竝字異而義同。

闌閑也

說文闌門遮也楚語爲之關籥蕃籬而遠備閑之章昭注云閑闌也闌通作蘭魏策云有河山以蘭之史記魏世家作闌

鐫鑿也

方言鐫琢也晉趙謂之鐫說文鐫破木鐫也一曰琢石也淮南子本經訓鐫山石高誘注云鐫猶鑿也求金玉也鹽鐵論通有篇云鑽山石而求金銀鑽與鐫聲近義同

水準也

管子水地篇云水者萬物之準也白虎通義云水之爲言準也養物平均有準則也水與準古同聲而通用考工記輅人輅注則利準栗氏權之然後準之故書準竝作水

眈眈也

廣雅疏證 卷第五
玉篇睽目瞬也廣韻云目眇視也衆經音義
卷一引通俗文云一月眨曰瞞瞞與瞞同

剽天也

鄭注王制云天斲殺也說文剽絕也引甘誓天用剽
絕其命今本作剽管子五行篇云數剽竹箭漢書外
戚傳云命操絕而不
長竝字異而義同

級等也

冤枉也

書著也

說文書著也釋名書庶也紀庶物也亦言著也著之
簡紙永不滅也賈子道德說篇云著此竹帛謂之書
書者此之
著者也

剽切也

切膾也

竝見卷一創刊切斷也下創與膾通刊各本譌作利今訂正

委

累也

各本皆作委闕也案委與闕義不相近此因委下脫去累也二字而下文闕下又有脫字遂誤合爲一條文選赭白馬賦注云廣雅曰委累也言累加之也今據以補正委之言委積也大戴禮四代篇云委利生孽

闕也

小雅節南山傳云闕息也大射儀注云闕止也文王世子注云闕終也

牽挽也

劇利也

說見卷二

剛劒也

說見卷四剛劒劒也下

譊是也

大學引大甲顧譊天之明命鄭注云譊猶正也說文正是也是譊聲義竝同

君羣也

逸周書太子晉解云侯能成羣謂之君荀子王制篇云君者善羣也羣道得則萬物皆得其宜六畜皆得其長羣生皆得其命韓詩外傳云君者何也曰羣也羣天下萬物而除其害者謂之君

臣繕也

白虎通義云臣者續也堅也屬志自堅固也續與繕通

愛優也

說見卷一翳愛也及卷二箋障也下愛優箋並通

指斥也

詠譖也

說見卷二詠譖諛也下

書如也

書序正義引璿璣鈴云書者如也寫其言如其意情得展舒也

凌暴也

麟轢也

說文轢車所踐也又云麟轢也漢書司馬相如傳云掩菟麟鹿又云蘭元鶴亂昆雞又云徒車之所闢轢

廣雅正詁 卷五十一
王商傳云百姓奔走相蹂躪後漢書班固傳云蹂躪其十二三竝字異而義同

謫謫也

末衰也

繫辭傳云殷之末世

擘剖也

憤盈也

說見卷一

剗判也

說見卷一判剗分也下

鑣也

餽說文玉篇廣韻並作餽說文餽也餽小會也
曹憲音祈各本脫去餽字其音內祈字又誤入正文
集韻類篇並引廣雅餽祈也則宋時廣雅本已誤案
諸書無訓餽為祈者史記司馬相如傳噍咀芝英兮
噍瓊華徐廣音義云噍音祈小會也顏師
古漢書注云噍音機又音祈今據以訂正

係經也

係與素通素經皆常也法也宣十一年左傳云不愆
于素士噍禮獻素鄭注云形法定為素素與索古同
聲故索亦訓為法定四年左傳疆以周索杜注云索
法也正義引考工記量器銘時文思索鄭注考工記
云言是文德之君思求可以為民立法者而
作此量鄘風定之方中箋引考工記索作素

貢功也

說文貢獻功也禹貢厥貢漆絲鄭注云貢者百功之
府受而藏之周官大宰賦貢以馭其用注云貢功也
九職之功所稅也曲禮五官致貢曰
享注云貢功也致其歲終之功於王